

## SAMÞYKKT

### um breytingu á samþykkt um stjórn Hafnarfjarðarkaupstaðar og fundarsköp bæjarstjórnar, nr. 637/2002.

#### 1. gr.

Í stað orðanna „kl. 17“ í 7. gr. samþykktarinnar kemur: kl. 14.

#### 2. gr.

Eftirfarandi breytingar verða á 25. gr. samþykktarinnar:

- a. 2. másl. 1. mgr. fellur brott.
- b. 1. másl. 2. mgr. verður svohljóðandi:

Bæjarfulltrúi má tala tvisvar undir hverjum dagskrárlið í allt að 15 mínútur í fyrra skiptið og í allt að 10 mínútur í seinna skiptið. Einnig má bæjarfulltrúi tala tvisvar undir hverjum afgreiðslulið og eins þegar hann flytur mál til afgreiðslu. Gilda þá sömu tímamörk.

- c. 4. másl. 3. mgr. verður svohljóðandi:

Hvert andsvar má ekki taka lengri tíma en tvær mínútur og ekki lengri tíma en eina mínútu ef veitt er andsvar öðru sinni og er ræðumanni heimilt að svara andsvari með sömu tímamörkum.

- d. Við 4. mgr. bætist: Bæjarstjóri má taka til máls jafnoft og hann metur þörf á, en með tilgreindum tímamörkum á ræðutíma, andsvörum og svörum við andsvörum.

#### 3. gr.

Eftirfarandi breytingar verða á A-lið 55. gr. samþykktarinnar:

- a. Við bætist nýr 4. tölul. svohljóðandi: Framkvæmdaráð. Fimm aðalmenn og jafnmargir til vara.
- b. 18., 20. og 21. tölul. falla brott. Númer annarra töluliða breytist til samræmis við þessa breytingu.

#### 4. gr.

Við 55. gr. samþykktarinnar bætist nýr liður svohljóðandi:

C. liður.

Bæjarstjórn skipar fimm fulltrúa í þjónustuhóp aldraðra til fjögurra ára, sbr. 7. gr. laga um málefni aldraðra nr. 125/1999. Yfirlæknir heilsugæslu tilnefnir lækni með sérmenntun á sviði öldrunar- eða heimilislækninga og hjúkrunarforstjóri heilsugæslu tilnefnir hjúkrunarfræðing með þekkingu á öldrunarþjónustu. Bæjarstjórn skipar án tilnefningar tvo fulltrúa sem hafa þekkingu á félagslegri þjónustu við aldraða. Skal annar þeirra vera félagsráðgjafi eða hafa hliðstæða menntun. Samtök eldri borgara á svæðinu tilnefna einn fulltrúa úr sínum röðum.

#### 5. gr.

Á eftir 55. gr. samþykktarinnar bætast fimm nýjar greinar. Breytist röð annarra greina til samræmis við breytinguna:

## a. (56. gr.)

Bæjarstjórn staðfestir erindisbréf fyrir nefndir, ráð og stjórnir þar sem kveðið er á um hlutverk, valdsvið og starfshætti þeirra í samræmi við lög, reglugerðir og almennar samþykktir bæjarstjórnar.

## b. (57. gr.)

Ráðunum sem talin er upp í 1.–5. tölul. A-liðar 55. gr. er heimilt að afgreiða mál á verksviði þeirra á grundvelli erindisbréfs skv. 56. gr. án staðfestingar bæjarstjórnar, ef:

1. Lög eða eðli máls mæla ekki sérstaklega gegn því.
2. Þau varða ekki fjárhag sveitarfélagsins umfram það sem kveðið er á um í fjárhagsáætlun, og þau víkja ekki frá stefnu bæjarstjórnar.

## c. (58. gr.)

Bæjarstjórn er heimilt að fela eftirtöldum embættismönnum fullnaðarafgreiðslu mála á sama hátt og með sömu skilyrðum og nefnd eru í 57. gr.:

1. Skipulags- og byggingarfulltrúa að afgreiða mál samkvæmt samþykkt um afgreiðslu byggingarfulltrúans í Hafnarfirði nr. 774/2005 og samþykkt um afgreiðslur skipulags- og byggingarfulltrúa Hafnarfjarðarkaupstaðar á deiliskipulagserindum nr. 767/2005.
2. Bæjarlögmanni í umboði bæjarráðs samkvæmt áfengislögum nr. 75/1998, gildandi málsmeðferðarreglum um áfengisveitingaleyfi og lögum um veitinga- og gististaði nr. 67/1985:
  - a. að gefa umsagnir um veitingu og endurnýjun veitingaleyfa,
  - b. að gefa út og endurnýja vínveitingaleyfi og
  - c. að afturkalla vínveitingaleyfi, veita leyfishöfum vínveitinga áminningu vegna brota á áfengislögum og svipta rekstraraðila vínveitingaleyfi.
3. Forstöðumanni félagsþjónustunnar að veita fjárhagsaðstoð til framfærslu í samræmi við reglur um fjárhagsaðstoð hjá Hafnarfjarðarbæ, samþykktar af bæjarstjórn 16. desember 2003, nr. 100/2004.

Bæjarstjórn skal setja skýrar reglur um afgreiðslu embættismanna, en viðkomandi ráð hafa eftirlit með þeim og kalla reglulega eftir skýringum og upplýsingum um ákvarðanir sem teknar eru á grundvelli þeirra.

Embættismanni er alltaf heimilt að vísa ákvörðun skv. 1. mgr. til viðkomandi ráðs til fullnaðarafgreiðslu.

## d. (59. gr.)

Mál sem embættismanni er heimilt að afgreiða eða sem hefur fengið afgreiðslu í ráði getur komið til ákvörðunar bæjarstjórnar með tvennum hætti:

1. Ráði er skylt að vísa afgreiðslu máls til bæjarstjórnar ef a.m.k. þriðjungur ráðsmanna óskar eftir því með bókun á ráðsfundi.
2. Bæjarfulltrúi getur með formlegri og rökstuddri tillögu óskað þess að ákvörðun ráðs eða embættismanns, sbr. 57. og 58. gr., verði tekin á dagskrá bæjarstjórnar. Þetta gildir þó ekki ef ákvörðun hefur verið tilkynnt málsaðila og hagsmunir hans mæla gegn því að mál verði tekið upp að nýju.

## e. (60. gr.)

Aðili máls á rétt á að mál hans sé tekið til meðferðar á ný eftir fullnaðarafgreiðslu þess hjá bæjarstjórn, ráði eða embættismanni ef ákvörðun hefur byggst á ófullnægjandi eða

röngum upplýsingum um málsatvik eða ef íþyngjandi ákvörðun um boð eða bann hefur byggst á atvikum sem breyst hafa verulega frá því að ákvörðun var tekin.

Beiðni um endurupptöku máls skal beina til viðkomandi ráðs og verður að jafnaði að koma fram áður en þrír mánuðir eru liðnir frá því að málsaðila er tilkynnt um afgreiðslu.

Ef endurupptökuskilyrði eru fyrir hendi tekur viðkomandi ráð ákvörðun um málsmeðferð.

6. gr.

Við 1. mgr. 60. gr. samþykktarinnar, er verður 64. gr., bætist: Bæjarráð fer með upplýsinga- og markaðsmál, menningar- og ferðamál og málefni miðbæjarins.

7. gr.

61. gr. samþykktarinnar fellur brott.

8. gr.

Við 62. gr. samþykktarinnar, er verður 66. gr., bætist:  
Menningar- og ferðamálanefnd.  
Miðbæjarnefnd.  
Stjórn Hafnarborgar.

9. gr.

Í stað orðanna „umhverfis- og tæknisviðs“ í 76. gr. samþykktarinnar, er verður 80. gr., kemur: skipulags- og byggingarsviðs.

10. gr.

Greinar 80 til og með 85 falla brott. Í stað þeirra koma fimm nýjar greinar er verða 84. til 88. gr., en númer annarra greina breytast til samræmis:

a. (84. gr.)

*Um framkvæmdaráð.*

Bæjarstjórn skal á fyrsta eða öðrum fundi að afloknum sveitarstjórnarkosningum kjósa fimm fulltrúa í framkvæmdaráð til eins árs og jafnmarga til vara.

Bæjarstjórn getur heimilað flokki eða framboðsaðila sem fulltrúa á í bæjarstjórn en ekki hefur fengið kjörinn fulltrúa í framkvæmdaráð að tilnefna fulltrúa til setu í ráðinu með málfrelsi og tillögurétt. Skylt er bæjarstjórn að gefa fulltrúa flokks/framboðsaðila kost á setu í ráðinu með málfrelsi og tillögurétt þann tíma sem fundir bæjarstjórnar falla niður vegna sumarleyfa.

b. (85. gr.)

Framkvæmdaráð skal að jafnaði halda fund á föstum tíma eigi sjaldnar en tvisvar í mánuði. Aukafundi skal halda ef bæjarstjóri, formaður ráðsins eða a.m.k. tveir ráðsmenn óska þess.

c. (86. gr.)

Sviðsstjóri framkvæmdasviðs undirbýr ráðsfundi í samráði við formann og forstöðumenn deilda. Hann sér um að framkvæmdaráð sé boðað til fundar með skriflegu fundarboði ásamt dagskrá a.m.k. einum sólarhring fyrir fund. Geti ráðsmaður ekki sótt fund skal hann boða varamann í sinn stað.

d. (87. gr.)

Formaður framkvæmdaráðs stjórnar fundum þess og sér um að allt fari löglega og skipulega fram á fundum þess. Hann úrskurðar í ágreiningsmálum sem upp kunna að koma út af fundarsköpum en skjóta má úrskurði hans til úrlausnar ráðsins. Heimilt er að taka mál til meðferðar í framkvæmdaráði þótt ekki sé það tilgreint í dagskrá. Þó er skylt að fresta afgreiðslu slíks máls ef einhver ráðsmanna óskar þess.

e. (88. gr.)

Framkvæmdaráð fer með mál sem falla undir framkvæmdasvið, svo sem mannvirkjagerð, eignarekstur, veitustarfsemi og umferðarmál, samkvæmt ákvæðum laga.

Framkvæmdaráð gerir tillögur til bærarstjórnar um afgreiðslu einstakra mála sem það fær til meðferðar. Þá getur bærarstjórn falið framkvæmdaráði fullnaðarafgreiðslu mála nema lög mæli á annan veg.

Í því skyni að stuðla að hagræðingu, skilvirkni og hraðari málsmeðferð er heimilt að ákveða að fela öðrum aðilum en framkvæmdaráði afgreiðslu mála sem ekki varða verulega fjárhag sveitarfélagsins. Afgreiðslum slíkra mála má þó ætíð skjóta til framkvæmdaráðs eða bærarstjórnar.

Samþykkt þessi, sem bærarstjórn Hafnarfjarðarkaupstaðar hefur sett skv. 10. og 25. gr. sveitarstjórnarlaga, nr. 45/1998, með síðari breytingum, staðfestist hér með til að öðlast þegar gildi.

*Félagsmálaráðuneytinu, 29. ágúst 2006.*

F. h. r.

**Guðjón Bragason.**

\_\_\_\_\_  
*Stefanía Traustadóttir.*